

রাজা

ভরি ল'য়ে ঝারি এনেছ কি বারি.
সেজেছ কি শুচি ডুকুলে ?
বেধেছ কি চুল, তুলেছ কি ফুল.
গেথেছ কি মালা মুকুলে ?
ধেনু এল গোঠে ফিরে,
পাখীরা এসেছে নীড়ে,
পথ ছিল যত জুড়িয়া জগত,
আধারে গিয়েছে হারিয়ে '
তোমারি দুয়ারে এসেছি, আমারে
বাহিরে রেখো না দাঁড়ায়ে ॥

সুরঙ্গমা । তোমার দুয়ার কে বন্ধ রাখতে পারে রাজা ?
ও ত বন্ধ নেই, কেবল ভাজানো আছে, একটু ছোঁও
যদি আপনি খুলে যাবে । সেটুকুও করবে না ?
নিজে উঠে গিয়ে না খুলে দিলে ঢুকবে না ?

গান

এ যে মোর আবরণ
ঘুচাতে কতক্ষণ ?
নিশ্বাস বায়ে উড়ে চলে' যায়
তুমি কর যদি মন ।
যদি পড়ে' থাকি তুমে
ধূলান্ন ধরণী চুমে,
তুমি তারি লাগি দ্বারে র'বে জাগি
এ কেমন তব পণ ?

রাজা

রথের চাকার রবে
জাগাও জাগাও হবে,
আপনার ঘরে এস বলভরে
এস এস গৌরবে ।
ঘুম টুটে যাক্‌ চল',
চিনি যেন প্রভু বলে ;
ছুটে এসে দ্বারে করি আপনারে
চরণে সমর্পণ ॥

রাণী, যাও তবে, দরজাটা খুলে দাও, নইলে আসবেন না ।
সুদর্শনা । আমি এ ঘরের অন্ধকারে কিছুই ভালো
করে' দেখতে পাইনে—কোথায় দরজা কে জানে ।
তুই এখানকার সব জানিস্—তুই আমার হ'য়ে
থলে দে ।

(স্বরঙ্গমার দ্বার উদ্ঘাটন, প্রণাম ও প্রস্থান ।*)

সুদর্শনা । তুমি আমাকে আলোয় দেখা দিচ্চ না কেন ?
রাজা । আলোয় তুমি হাজার হাজার জিনিষের সঙ্গে মিশিয়ে
আমায় দেখতে চাও ? এই গভীর অন্ধকারে আমি
তোমার একমাত্র হ'য়ে থাকি না কেন ?
সুদর্শনা । সবাই তোমাকে দেখতে পায়, আমি রাণী হ'য়ে
দেখতে পাব না ?

* রাজাকে এ নাটকের কোথাও রঙ্গমঞ্চে দেখা যাইবে না ।